

Exemplum in calefacientibus in primo gradu, quæ calefaciunt remisse, dicuntur in principio primi gradus esse: Quæ medio modo, in medio: Quæ vero intense calefaciunt, in fine primi gradus sunt.

Verum non solum in primis, sed & secundis facultatibus cum Auerroë Fernelius g statuit, licet Fallopius h ob exiguam latitudinem reuera dari neget, quam ob causam earum distinctionem forte etiam Galenus omisit, vt exempli gratia: In adstringentium vel attenuantium genere primæ classis sunt, quæ obscure id agunt: Secundæ, quæ manifeste: Tertiæ, quæ vehementer: Quartæ, quæ summe & extreme. Rursus cuiuscunq; ordinis & initium quoddam est, & medium & finis. Concedendum quoque, alia magis, alia minus adstringere vel rarefacere. Idem etiam de gradibus in tertiis & quartis facultatib. statuimus. At quomodo medicamentorum facultates ex coloribus, odoribus, saporibus inuestigandæ sint, Galenus i sufficienter docuit.

g 4. meth. 4.
h de comp.
med. 4.

i i. simpl.

De Medicamentorum differentiis.

CAP. VII.

Medicamenta ergo alia simplicia, alia cōposita. Simplicia facultates suas habent vel ab essentia, vel ab accidentibus, hoc est, qualitatibus seu finibus. Ab essentia, a quæ vel tenuis est, vel crassa, quæ vnā qualitatem continent, vel partium sunt dissimilariū. Tenuis essentia sunt, quæ cum in corpus, tum in humores se prompte insinuant. Crassæ, quarum materia alte penetrare

a 1. simpl. 3.
b 3. simpl. 3.

B non